

## COMUN

I sèis duc/dötes dër bel inviá/ades al'inaudaziun dl magazin nü de comun tla zona artejanala Alfur en vëndres, ai 29 de messé, dales 17.00.

### LOANIES DA SAN MARTIN Y DA LUNGIARÜ

Festa de Sant'Ana y San Iachin sö La Crusc (sanc proteturs dles läs y di nëini)  
- 7.30 Prozesciun da San Linert sö la Crusc  
- 8.45 Prozesciun dala staziun a munt dl lift  
- 9.30 Mëssa y prozesciun eucaristica

Presentaziun dl teater musical „Ujöp da Oies“, alaleria, é ai 27 mercui, 29 vëndres y 31 sabeda de messé, vigni iade dales 21.00. Prenotede i posc por internet sot a [www.musicaloies.it](http://www.musicaloies.it) o por telefon 371 56 88 564 y an pó paí diretamënter pro la cassa.

Cörs dla Val Badia: Stimada comunité. Ti ultimi mëisc él dër chersciü i cosc te n gröm de seturs primars dla vita: mangiaria, scialdé, forza eletrica, benzin y d'ater. Tan che cotan de families n'é nia plü bunes da fá frunt a dötes les spëises. Le proiet "Cörs dla Val Badia" ó ti sté dlungia, y chël podunse ma fá cun osc aiüt. Sc'i l'aratëis de valüta, periunse bel do na spënora, che'i podëis fá sön le cunt IBAN: IT29V 08010 58180 000302018519 . Danfora bel dilan.

-----

L'Istitut Ladin: Mostra daverta dl scultur fascian Matthias Sieff tl salf dl Istitut Ladin a San Martindai 23 de messé cina ai 7 d'agost dales 10.00 – 12.00 / 15.00 – 19.00.



*San Cristofer, tö es nosc protetur canch'i jun cun l'auto y canch'i sun söl iade fora por i trus de chësc monn.*

*Tö es ince nosc ejëmpl y te nes dëides canch'i damanun do le significat dla vita. Tö as ciafé na resposta por nosta vita:*

*Sorví Idí ti fredesc y tles sorus te süa meseria y impotënza. Daidan chël möt che t'as porté sura ega ia, aste incunté Idí, che ne t'á nia lascé jí sot tles ones dl'ega.*

*Sciöche sëgn de vita nöia á to bastun indô metü man da flori. L'amur de Dî nes sostëgn ince nos.*

*Insciö te periunse, sideste maza y bastun por duc chi che chir cina ch'ai ciafa Chël che é le travert de nos duc.*

*I te periun ince por les ères y i ëi tles Misciuns che é sön tru da jí a incundé la buna noela y a porté aiüt.*

*Sigüsc de túa proteziun, podunse laldé y rengrazié Idí cun te por döta l'eternité. Amen.*

*Pl. Auerbach*



## Plata dles Ploanies San Martin y Lungiarü

ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)  
curat siur Heinrich Perathoner 339 65 74 213  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194



<https://www.valbadiaonline.it>

**24.07. - 31.07.22 nr. 35**  
*ultimo termo por comunicaziuns: jöbia, dales 20.00*

## 17ª DOMÈNIA IA POR L'ANN C

### Vangele do Lüca 11,1-13

Gejù ê n dé te n post ch'al periâ; y canch'al â albü rové l'oraziun, ti à un de sü discepui dit: Signur, insëgnesse da perié, sciöche bele Jan ti à insigné a sü discepui da perié. Al ti à dit:

Canch'i periëis, dailò dijede:

Pere, al sides santifiché to inom.

Al vëgnes to rëgn.

Dasse vignidé le pan ch'i adorun.

Y lãscesse do nüsc piçià;

deache incé nos ti lasciun do

a vignun che nes é de debit.

Y no nes menè tla tentaziun.

*Dlungia les parores dl Pater Noster ti insëgna Gejù ai discepui ciamó döes d'atres cosses che dëida perié.*

*Por pröm cunta Gejù na parabola:*

*Canch'i periëis, periede cun confidënza y crëta.*

*Perié n'é nia n dí sö formules zënza ponsé lapró y crëie ch'ares joes, mo la conferta cun zacai ch'i un dan da nos, cun Chël Bel Dî.*

*Sce nosc perié é superfizial n'él nia demorvëia che la oraziun röies te na crisa, sides pro nos instësc, co ince pro chi che ciara sön nos.*


*La secunda condiziun che ó ester por perié nes insëgna Gejù cun so ejëmpl:*

*La oraziun adora la surité, adora tëmp y chît.*

*Tres indô vëgnel dit che Gejù jô te n post surënt a perié.*

*Da avëi confidënza y crëta n'él nia saurí, mo i pó perié Idí ch'al m'les scinches, y porvé da rové ite perian tres indô danü y cun regolarité, y me tó dlaurela, da doman, te momënc ia por le de, da sëra.*

*Chësc é mi compit por m'ausé ite y che me dëida da incunté Chël Bel Dî. Imaje*



EDEMA	SAN MARTIN	LUNGIARÜ	
24.07.22 <b>17<sup>a</sup> Domènia ia por l'ann C</b> <i>Domènia de San Cristofer</i>	<b>9.00 Corona</b> <b>9.30 Gran Mëssa por la Comunità</b> <i>Oferta por les Misciuns</i> + + Cristina y Franz Conrater + Tone Pedevilla (dl ann) <b>Benedisciun dl tëmp</b>	<b>7.50 Corona</b> <b>8.15 Gran Mëssa por la comunità</b> <i>Oferta por les Misciuns</i> <b>Benedisciun dl tëmp</b> <b>14.00 Bato de Lena Valentin</b> <b>15.00 Corona tla capela S. Ojöp Fr.</b>	<p>Incö domènia, 24 de messé, él indô la <b>Domènia de San Cristofer</b>. Cun chësta aziun se proa l'ofize diozejan Missio Balsan-Porsenü y le Movimënt Catolich di Èi da abiné adöm scioldi por mesi de trasport por les Misciuns. Les Misciuns adora mobilité. I miscionars á debojëgn de auti y motors da jí a incundé la buna noela y da rové ti paisc dales perts fora. Cun l'aziun de San Cristofer él gnü ite l'ann passé 295.937 euro. Cun chisc él gnü cumpré 16 auti, n motor, n bus da mené scolars, 152 rodes, n camion de secunda man, 50 scagns da rodes y 3 müsc. Les spënores pó ince gní paiades ite por banca a Missionskomitee, Balsan Domplatz 2, cod. fisc. 94105170214 Südtiroler Sparkasse, Walterplatz IBAN: IT73 R 060 4511 6010 0000 5005 630 BIC: CRBZIT2B001</p> <p>Sot al motto <b>La fan ne vá nia en vacanza</b> preïa la Caritas do osc aiüt. Les ploanies de döta la Diozeja tol pert a chësta campagna sonan les ciampanes en vëndres, ai 29 de messé, dales 15.00, che recorda lla mort de Gejú söla crusc y ince chë tröpa jënt che mör da fan sura döt le monn. Por chësta intenziun periunse y ofriunse en domènia, ai 31 de messé. An pó ince ofri diretamënter ala Caritas Diözese Bozen Brixen, Balsan, Sparkassenstr. 1, cod.fisc. 80003290212, Raiffeisen Landesbank IBAN: IT42F0349311600000300200018 BIC: RZSBIT2B</p>
25.07.22 <b>Lönesc</b> <i>Iaco apostul, Tea</i>			
26.07.22 <b>Dedolönesc</b> <i>Iachin y Ana, Cristiana</i>	<b>19.00 Mëssa</b> + + geniturs de Elsa y Tone Gasser + + dla fam. Ludwig Rungger		
27.07.22 <i>Nazar, Natalia</i> <b>Dedemesaledema</b>	<b>7.30 Mëssa a Picolin</b> (don Francesco) + Lydia Zingerle, Corvara	<b>7.30 Mëssa</b> dl ann + Tî Clara	
28.07.22 <b>Jöbia</b> <i>Vitore, Benno</i>	<b>7.30 Mëssa</b> + Sara Schuen Ploner, La Val <b>Corona por vocaziuns</b>		
29.07.22 <b>Vëndres</b> <i>Marta da Betania, Flora</i>	<b>7.30 Mëssa a Picolin</b> (don Francesco) a d'intenziun <b>15.00 Les ciampanes recorda la</b> <b>mort de Gejú y i tröc che mör da fan</b> <b>18.30 Adoraziun chita</b> <b>19.00 Adoraziun deboriada</b>	<b>7.30 Mëssa</b> + + de Vanc <b>15.00 Les ciampanes recorda la</b> <b>mort de Gejú y i tröc che mör da fan</b>	
30.07.22 <b>Sabeda</b> <i>Pire Crisologh, Leopold</i>	<b>20.00 Mëssa prefestia</b> + + Maria Dapunt y Otto Erlacher + Angelina Vanzi Baldissera <b>Oferta por la fan</b>	<b>18.30 Mëssa prefestia</b> vis y def. dla fam. de Albina Mischi por familia Planatscher <b>Oferta por la fan</b>	
31.07.22 <b>18<sup>a</sup> Domènia ia por l'ann C</b> <i>Ignaze da Loyola</i>	<b>9.00 Corona</b> <b>9.30 Gran Mëssa por la Comunità</b> de rengr. fam. Paul y Valeria Pedevilla + Pire Unterweger <b>Oferta por la fan</b> <b>Benedisciun dl tëmp</b>	<b>7.50 Corona</b> <b>8.15 Gran Mëssa por la comunità</b> <b>Oferta por la fan</b> <b>Benedisciun dl tëmp</b> <b>15.00 Corona tla capela S. Ojöp Fr.</b>	